



J.U. ZAVOD ZA JAVNO ZDRAVSTVO KANTONA SARAJEVO

Adresa: Dr. Mustafe Pintola 1/III Ilidža, Sarajevo

Tel/fax: +387 33 627 889, 624 470, 667 691

Preporuke za škole i vrtiće o postupanju tokom dnevne redukcije vode na području Kantona Sarajevo

Snabdijevanje stanovništva zdravstveno ispravnom vodom za piće je opća preventivna mjera za sprječavanje nastanka i suzbijanje širenja zaraznih bolesti.

Dnevne redukcije vode na području Kantona Sarajevo povećavaju rizik od pojave i širenja zaraznih oboljenja. Ovom riziku su najviše izložene najosjetljivije populacije (djeca u vrtićima, učenici u školama).

Moguće rizike zbog uvođenja dnevne redukcije vode treba pokušati prevazići ili bar smanjiti na najmanju moguću mjeru zajedničkim djelovanjem uposlenika u školama i vrtićima, roditelja i djece.

J.U. Zavod za javno zdravstvo, u okviru svoje javnozdravstvene djelatnosti, daje sljedeće preporuke:

- Škole i vrtići trebali bi obezbijediti zalihe vode koje bi se koristile u periodu dnevne redukcije vode;
- U školama i vrtićima trebalo bi, koliko je moguće, pomjeriti aktivnosti u period kada je snabdijevanje vodom uredno;
- U periodu dnevne redukcije vode vršiti pojačan nadzor nad upotrebom mokrih čvorova;
- Održavanje higijene mokrih čvorova bi trebalo vršiti pojačano, prije i poslije dnevne redukcije vode;
- Jelo u školama ograničiti na period velikog odmora i u prvoj i u drugoj smjeni, kada je snabdijevanje vodom uredno;
- Razgovarati sa djecom i tražiti od njih odgovorno ponašanje;
- Roditeljima savjetovati da djeca ponesu od kuće vodu za piće i vlažne maramice, po mogućnosti sa udjelom dezinfekcionog sredstva, za period dok traje dnevna redukcija vode;
- Roditelje zamoliti da razgovaraju sa djecom i da im objasne trenutnu situaciju i moguće rizike;
- Roditelji bi trebali objasniti djeci važnost lične higijene i posljedice koje bi mogle nastati zbog higijenskih propusta;
- Zamoliti roditelje da školi ili vrtiću prijave promjene zdravstvenog stanja svog djeteta koje bi se mogle povezati sa upotrebom neispravne vode;
- Djecu treba uključiti kao aktivne učesnike u prevazilaženju trenutnog problema sa snabdijevanjem vode;

- Putem medija pratiti trenutnu situaciju sa vodosnabdijevanjem i trenutni raspored dnevnih redukcija. (zbog blagovremenog planiranja)

Sve navedene mjere potrebno je dodatno pojačati na mjestima gdje se nalaze mala djeca kojoj nije moguće objasniti važnost lične higijene.

Napominjemo da će J.U. Zavod za javno zdravstvo Kantona Sarajevo redovno pratiti epidemiološku situaciju, te prema njoj donositi nove preporuke.

Ako ste u prilici da tražite informacije i savjete možete se obratiti najbližoj epidemiološkoj službi J.U. Zavoda za javno zdravstvo Kantona Sarajevo ili putem telefona:

+387 33 622 028, 667 691

